



***Služba za imovinsko-pravne poslove, geodetske poslove i katastar***

Broj: 06/1 -31-sl/13  
Ilijaš, 04.09.2013. godine

**STRUČNA SLUŽBA OPĆINSKOG VIJEĆA  
I OPĆINSKOG NAČELNIKA**

**PREDMET: Odgovor na inicijativu vijećnika,-**

1. Povodom inicijative Nedima Matoruge – vijećnik SDA “pokrećem inicijativu da se konačno riješi pitanje uzurpacije dijela puta u MZ-i Mrakovo, a u skladu sa rješenjem br. 06-31-631/08 od 01.10.2012. godine”.

Grupa građana MZ-e Mrakovo obratila se dana 04.04.2008. godine Službi za imovinsko pravne poslove, geodetske poslove i katastar Općine Ilijaš sa zahtjevom za rješavanje uzurpacije putnog zemljišta označenog kao dio k.č.br. 1178 put javno dobro upisan u Iskaz I K.O. SP\_Podgora izvršene od strane Pilav Ramize kćeri Mustafe iz Mrakova.

Dana 29.04.2008. godine Služba je na licu mjesta održala usmenu raspravu u predmetu uzurpacije putnog zemljišta na kojoj je geometar Službe izjavio da je potrebno izvršiti geodetsko snimanje izvedenog stanja i kartiranje na planove te na taj način utvrditi položaj objekta u odnosu na put. Nakon izvršenih geodetskih snimanja i održanih usmenih rasprava dana 29.04. i 22.10.2008. godine Služba je donijela rješenje kojim se Pilav Ramizi kćeri Mustafe iz Mrakova nalaže da napusti uzurpirano zemljište u površini od 8 m<sup>2</sup> i ukloni potporni zid izgrađen na naprijed navedenom dijelu zemljišta. Protiv rješenja uzurpant Pilav Ramiza uložila je žalbu Federalnoj upravi za geodetske i imovinsko pravne poslove Sarajevo koja je svojim rješenjem br. 05-31-2-1125/09 od 08.07.2010. godine poništila rješenje Službe br. 06-31-631/08 od 18.05.2009. godine i predmet vratila prvostepenom organu na ponovni postupak.

Služba je prema uputama iz rješenja Federalne uprave za geodetske i imovinsko pravne poslove Sarajevo održala usmenu raspravu dana 02.11.2010. godine a 08.12.2010. godine donijela je rješenje kojim se Pilav Ramizi nalaže da napusti uzurpirano zemljište u površini od 8 m<sup>2</sup> i ukloni dio potpornog zida. Protiv istog rješenja Pilav Ramiza uložila je žalbu Federalnoj upravi za geodetske i imovinsko pravne poslove Sarajevo koja je svojim rješenjem br. 05-31-2-48/11 od 05.03.2011. godine poništila rješenje naše Službe i predmet vratila prvostepenom organu na ponovni postupak. U obrazloženju drugostepenog rješenja naloženo je obzirom da stranka nije bila zadovoljna radom geometra Službe da se angažuje vještak geodetske struke sa liste stalnih sudskih vještaka koji će tačno utvrditi površinu uzurpiranog zemljišta kao i dužinu potpornog zida koje je potrebno ukloniti sa navedenog zemljišta.



***Služba za imovinsko-pravne poslove, geodetske poslove i katastar***

Prema uputama iz drugostepenog rješenja Služba je angažovala stalnog sudskog vještaka iz oblasti geodezije koji je izašao na lice mjesta i sačinio stručni nalaz o površini uzurpiranog zemljišta kao i dužini potpornog zida koje je potrebno da ukloni uzurpant. Isti nalaz vještaka geodetske struke dostavljen je uzurpantu Pilav Ramizi kao i MZ-i Mrakovo.

Na osnovu naprijed navedenog nalaza stalnog sudskog vještaka geodetske struke Služba je donijela rješenje 01.11.2012. godine u kojem se Pilav Ramizi nalaže da napusti uzurpirano zemljište u površini od 4 m<sup>2</sup> i ukloni potporni zid u dužini od 2 m izgrađen na naprijed navedenom dijelu zemljišta. Protiv navedenog rješenja grupa građana MZ-e Mrakovo uložila je žalbu Federalnoj upravi za geodetske i imovinsko pravne poslove Sarajevo koja je svojim rješenjem br. 05-31-2-2087/12 od 04.01.2013. godine odbacila žalbu jer je izjavljena od neovlaštenog lica.

Pošto je rješenje Službe br. 06-31-631/08 od 01.11.2012. godine postalo pravosnažno i izvršno Služba je održala usmenu raspravu u predmetu izvršenja rješenja na kojoj je utvrđeno da je Pilav Ramiza uklonila potporni betonski zid u dužini od 1,85 m i ostala je u obavezi da ukloni još 15 cm istog zida. Dana 16.08.2013. godine Služba je ponovo održala usmenu raspravu i uviđaj na licu mjesta u selu Mrakovo i konstatovala da je Pilav Ramiza postupila prema nalazu vještaka geodetske struke i rješenju Službe za imovinsko pravne poslove, geodetske poslove i katastar Općine Ilijaš br. 06-31-631/08 od 01.11.2012. godine i napustila uzurpirano zemljište te je na taj način okončan upravni postupak rješavanja imovinsko pravnih odnosa na uzurpiranom zemljištu.

Služba za imovinsko pravne poslove,  
geodetske poslove i katastar

